



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

II. Supernumerarii Magistri Ord. SS. Trinit. Redemp. Capt. Portugalliæ
Provinciæ examini subjaceant.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Aliud decretum.

Fratres Capuccini Mandatis Apostolicis parent.

Preces Civitatis.

Nonnullorum Cardinalium Congregationi causa cognoscenda remittitur.

Patres concordant.

Delegatio fundationis coenobii.

teris derogatum non fuerat literis recor. mem. Alexandri Papæ VII., etiam prædecessoris nostri pariter in forma Brevis expeditis, quibus specialiter prohibetur in Regno Majoricæ aliquem Conventum fundari, nisi servata quinque leucarum distantia ab aliis Conventibus, jam erectis, institerunt acriter pro declaratione hujusmodi subreptionis, & Apostolici Indulti revocatione. Quare proposito, & mature discusso dubio, eadem Congregatio die vigesima septima Januarii 1673. decrevit literas primodictas tanquam subreptitias non esse exequendas, & quicquid vigore illarum erat gestum, tanquam attentatum esse revocandum, ac servandas esse ordinationes, & decreta alias facta; Iterumque proposito dubio die vigesima septima Aprilis ejusdem anni persistit in decisio, & perpetuum imposuit silentium, mandavitque tibi, seu tunc existenti Episcopo Majoricen., ut omnia gesta in executionem primodictarum literarum Apostolicarum, utpote attentata revocari faceres, seu faceret. Quæ quidem ejusdem Congregationis decreta per alias dicti Clementis prædecessoris literas similiter in forma Brevis expeditas approbata, & confirmata fuerunt, & pro prædictorum omnium executione Monitorium a dilecto filio causarum Curie Cam. Apost. generali Auditore relaxatum, & ipsis Fratribus Capuccinis intimatum fuit. Verum stantibus præmissis, cum dd. Fratres Capuccini ea qua par est obedientia Apostolicis mandatis obtemperantes, & a prædicta Insula in Hispaniam transfretantes, Conventum, quem, ut supra dictum est, exererant, vacuum dimississent, Civitas Majoricen. videns se tam piis Religiosis orbatam, tota in amaritudinem conversa est, & ad memoratum Clementem prædecessorem recursum habuit, humiliter supplicando, ut attentato consensu cæterorum omnium Religiosorum Mendicantium supremæ sæ pietatis dona impertiri dignaretur, & iisdem Fratribus Capuccinis specialem gratiam & favorem facere retinendi, seu de novo fundandi ibidem Conventum in quo duodecim Religiosi permanere possent. Ipse vero Clemens prædec. devotis prædictæ Civitatis, & Regni precibus, quantum æquitati consentaneum foret annuere cupiens, prævia oris aperitione, specialem Congregationem nonnullorum Venerabilium Fratrum nostrorum, tunc suorum ejusdem S. R. E. Cardinalium benigne deputavit, in qua dum utriusque partis rationum momenta discutiebantur, benediciente Domino, res in pace compositæ sunt, & præfati Fratres Minores Strictioris Observantiæ discretiori consilio Fratrem charitatem exercentes sum præstiterunt consensum. Quare dicti exponentes Nobis humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignaremur.

§. 1. Nos igitur ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequentiarum serie absolventes, & absolutos fore censentes, hujusmodi supplicationibus inclinati, de memoratæ specialis Congregationis Cardinalium consilio, attentis supra expressis, ac noviter deductis Fraternalitati tuæ per præfatos committimus, & mandamus, ut postquam tibi consulerit Fabricam novi Conventus hujusmodi cum Ecclesia, Choro, Sacristia, Dormitorio, Refectorio, aliisque Officiis, hortis, & spatiis esse numeris omnibus absolutam, & suppellectilibus tum sacris, tum profanis sufficienter instructam, quodque ex priorum Benefactorum

elemosynis duodecim Religiosi sustentari commode possint, ad prædictam erectionem, & fundationem auctoritate nostra Apostolica pro tuo arbitrio procedas.

§. 2. Non obstantibus supradictis Decretis, & Apostolicis in forma Brevis literis, & præfatis dicti Alexandri prædecessoris, aliisque ordinationibus, & Constitutionibus Apostolicis, ac quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus, pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die nona Novembris 1676. Pontificatus nostri Anno Primo.

Confirmatur decretum S. Congregationis Episcoporum, & Regularium, quo statuitur, Fratres Ordinis Sanctissimæ Trinitatis Redemptionis Captivorum Provinciae Portugaliæ gradum supernumerarii Magistri Apostolicis literis concessum assequi non posse, nisi in examine idonei comprobentur.

Fratres Redemptionis Captivorum Provinciae Portugaliæ frui debere omnibus Privilegiis concessis a Sede Apostolica aliis fratribus ejusdem Ordinis Provinciae Castellæ, Legionis ac Bethicæ statuit Paulus III. Constitutione qua incipit Inter Curas, Bull. Rom. Tom. 1. Const. 2.

INNOCENTIUS PAPA XI.

Ad futuram rei memoriam.

Nuper pro parte dilecti filii moderati Ministri Provincialis Provinciae Portugaliæ Ordinis Fratrum Sanctissimæ Trinitatis Redemptionis Captivorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod cum nonnulli Fratres dictæ Provinciae gradum Magistrorum supernumerariorum ipsius Provinciae sibi ab hac Sancta Sede concedi obtinuerint per quasdam literas Apostolicas in simili forma Brevis desuper expeditas, in quibus apposta fuit clausula: *Dummodo prævio riguroso examine ad id idonei reperiretur*, dictique Fratres per injuriam Ministri Provincialis, qui eandem Provinciam elapso triennio gubernavit, in possessionem dicti gradus intrusi sint, tamen juxta præscriptum dictarum literarum rigorosum examen non subverint secundum Constitutiones Ordinis prædicti a recollecta me. Alexandro PP. VII. prædecessore pariter nostro in forma specifica confirmatas, id vero in magnum Provinciam præfatam præjudicium, & dedecus, & (quod deterius est) in aliquem contemptum, & illusionem præfatarum literarum Apostolicarum cedat, cum id, quod tam iuste, & rationabiliter per eandem literas præcipitur, non sit impletum. Idem modernus Minister Provincialis plurimum cupiebat Apostolica auctoritate præcipi, ut dicti Fratres in debite in gradum prædictum hæcenus intrusi impleant conditionem in supradictis literis Apostolicis appositam de riguroso examine, illudque intra mensem, vel alium terminum dictæ Congregationi Cardinalium beneficium subeant in forma præscripta a dictis Constitutionibus, alias

omnino

II.

Dat. 10. Nov. 1676. An. 1.

Summa precum.

Causa Decreti ejusque confirmationis.

Preces Ministri Provincialis.

Decretum
S. Congrega-
tionis Episc.
& Regul.

omnino a predicto gradu Magistrorum tanquam indebite possessio exturbentur. Emanavit ad supplicationem dicti moderni Ministri Provincialis ab eadem Cardinalium Congregatione Decretum tenoris qui sequitur, videlicet. *Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium preposita, audito P. Procuratore Generali Provincia Lusitania, & attentata remissione libelli per SS. D. Nostrum facta, censuit supra scriptam conditionem de rigore examine appositam in prefato Brevis Apostolice esse omnino, & rigore ad prescriptum Constitutionis Ordinis observandam, prout presentis Decreti tenore stricte observari mandat, & precipit eadem Sacra Congregatio. Romae 9. Octobris 1676. Cardinalis-Gaspar Carpinus. I. D. Archiepiscopus Joannem.*

§. 1. Cum autem sicut modernus minister Provincialis Nobis subinde exponi fecit, ipse Decretum hujusmodi, quo firmius subsistat, & servetur exactius, Apostolica confirmationis nostrae patrocinio communiti summopere desideret. Nos specialem ipsi moderno Ministro Provinciali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum presentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati Decretum praesertim auctoritate Apostolica tenore presentium approbamus, & confirmamus, illique inviolabilis Apostolica firmitatis robor adjicimus, salva tamen semper in praemissis auctoritate memoratae Congregationis Cardinalium.

Confirmatio
Apostolica
ejusd. Decreti.

§. 2. Decernentes ipsas praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & spectabit in futurum, inviolabiliter observari: sique in praemissis per quoscumque Judices Ordinarios, & delegatos, etiam Causarum Palatii Apostolici Auditores judicari, & definiti debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus praemissis, ac Constitutionibus, & Ordinationibus Apostolicis, ceterisque contrariis quibuscumque.

Datum Romae apud S. Petrum sub annulo Piscatoris die 10. Novembris 1676. Pontificatus nostri Anno Primo.

III.

Ecclesia Cathedralis S. Salvatoris Brasiliensis. supplicante Petro Principe, & Governatore Portugalliae & Algarbiorum, & consentiente Archiepiscopo Ulyssiponensi, salvo jurepatronatus Regio in Metropolitanam erigitur.

Dat. 16. Nov.
1676. An. 1.

INNOCENTIUS EPISCOPUS

SERVUS SERVORUM DEI.

Ad perpetuam rei memoriam.

Exordium.

Inter Pastoralis Officii curas, quo per ineffabilem divinam Majestatis providentiam universalis Ecclesiae regimini praepositi sumus, illam peculiari affectu, & solitudine libenter amplectimur, qua fides Orthodoxa in animis hominum, vel gignitur, vel jam genita nutritur, defenditur, & roboratur, ac Christi Oves, & Dominicus Grex, quem Coelestis Pater, suo sanguine redemit, & in unius Sanctae Ecclesiae Catholicae unitatem adunavit ab incurfibus debacchantium Adversariorum

immunes redduntur, quorum, quo major est a capite distantia, eo vigilantior debet esse super eos nostra Apostolica sollicitudo, propterea eorum Civitates, & loca, quae post longas ignorantiae tenebras Spiritus Sancti cooperante gratia, verum Christi lumen, & cognitionem receperunt, specialibus prerogativis, gratiis, & favoribus prosequi, eorumque Ecclesias jam fundatas dignioribus titulis exornare decrevimus, maxime id sublimium Principum exposcentibus votis, prout in Domino salubriter expedire conspiciamus.

§. 1. Sane Ecclesia S. Salvatoris Brasiliensis, quae de jure patronatus pro tempore existentium Portugalliae, & Algarbiorum Regum Illustrium ex privilegio Apostolico, cui non est haecenus in aliquo derogatum, esse dignoscitur, & cui bo. me. Stephanus Episcopus Brasiliensis dum viveret, praesidebat, per obitum dicti Stephani Episcopi, qui extra Romanam Curiam debitum naturae persolvit, Pastoris solatio destituta: Nos vacatione hujusmodi fide dignis relationibus intellecta, providi, vigilisque Pastoris more considerantes, quod ex omnibus Regionis Brasiliae locis, quae Portugalliae, & Algarbiorum Reges a Barbaris, & Gentilibus, aliisque feris nationibus habitatae post varios sudores, & impensas propterea factas ditioni subegerunt, Civitas Sancti Salvatoris in Bahia omnium Sanctorum, ob illius amplitudinem, cultiores civium mores, agri fertilitatem, aeris benignitatem, ac Populi frequentiam, & commercium prima erat, & postquam Reges ipsi vastissimas Provincias, & Oppida, Portus, & loca in illis partibus suis viribus, ac diuturnis, & frequentibus bellis, periculisque felicissime acquisiverant, & ab Haereticorum Hollandorum manibus recuperaverant, eorumque Populos divini, humanique Juris eatenus expertes opera, & Ministeria variorum Religiosorum, aliorumque vitae probatae virorum, abjectis inde Sathanae tenebris, ac Idololatriae, & Gentilitatis, haesumque erroribus ad Fidem Catholicam, extra quam nulla est salus, & cognitionem veri luminis, qui est Christus, & Sanctum Baptismatis lavacrum, Sanctaeque Matris Ecclesiae gremium allici curaverant dictam Civitatem tanquam Regiam suam, & Proregum suorum Sedem, illiusque Dioecesim sumptuosius Dei Templis, Monasteriis, Xenodochiis, & sacris locis, necnon Ministris Ecclesiasticis locupletaverant, & ornaverant; & dilectus filius nobilis vir Petrus Regnorum Portugalliae, & Algarbiorum Princeps, & Governator, praedictorum Regum vestigia, & exempla secutus, ad illas Regiones plurimos verbi Dei Praedicatores, & alios, doctrina, vitaeque integritate insignes viros pro spirituali salute animarum praecipua quadam sollicitudine, & industria assidue laborantes norabili impensa saepius miserat, quorum concionibus, exemplis, & monitis conversos in eadem Fide instrui, & confirmari studuerat, & a Fide abhorrentes, dum expediebat, vel salutaribus armis confuderat, vel procul arcuerat, eisque rationibus Religio Christiana, Divina favente Clementia, eis in locis, sic longe lateque propagabatur, ut ad eos adhuc debiles in fide confirmandos, retinendosque, & in doctrina indigentes, erudiendos, & ad bonum Pastorem, qui pro eis animam suam posuit, reducendos, majoraque Ecclesiastica Seminaria plantanda, novorum Praesulum institutio omnino expediens videatur. Quodque in illis partibus, quantumvis longissime, & latissime protenderentur, nulla Metropolitana Ecclesia existit, ad quam illarum Incolae super eorum querelis, & appellationibus, Justitiae complementum obtinere, recurrere possint, sed illi ad Venerabilem Fratrem nostrum Archiepiscopum Ulyssiponen. in Regno Portugalliae existentem Metropolitanum inde remotissimum confugere, vel Jura sua indefensa cogun-

Jurpatronatus
Regum
Ecclesiae S.
Salvatoris
Brasiliensis,
ejusque Vacatio.

Causa erigendi
de Ecclesia
in
Metropolitanam.